

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 9. sjednici, održanoj dana 23.02.2023. godine,
d o n o s i

ZAKLJUČAK

I.

U postupku razmatranja Prijedloga Zakona o izmjeni Zakona o Vladi Zeničko-dobojskog kantona, kojeg je u skupštinsku proceduru uputio poslanik u Skupštini Zeničko-dobojskog kantona, Alen Kapković, u skladu sa Mišljenjem Ministarstva za pravosuđe i upravu Zeničko-dobojskog kantona, broj: 06-04/2-02-630-1/23 od 14.02.2023. godine, u prilogu, koje čini sastavni dio ovog Zaključka, Vlada Zeničko-dobojskog kantona zauzima stajalište da nema prepreka da se isti uputi u proceduru, sve dok ostaje u okviru ustavnih odredbi.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Broj: 02-_____/23
Datum, 23.02.2023. godine
Z e n i c a

Amra Mehmedić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



Zeničko-dobojski kanton

n/r Premijera Kantona

Stručna služba Vlade Kantona

n/r Sekretara Vlade

Zenica, 14.02.2023. godine

Naš znak: 06-04/2-02-630-1/23

Veza akt broj: 02-1-02-630-2-1/23 od

17.01.2023. g

PREDMET: Mišljenje na Prijedlog Zakona o izmjeni Zakona o Vladi Zeničko-dobojskog -dostavlja se

U skladu sa članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj 10/15 i 8/22), i članom 31. stav (1) tačka b) Poslovnika o radu Vlade Zeničko- dobojskog kantona („Službene novine Zeničko-dobojskog kantona“, broj: 10/21), te na osnovu uvida u tekst Prijedloga Zakona o izmjeni Zakona o Vladi Zeničko- dobojskog kantona (u daljem tekstu : Prijedlog Zakona) dostavljenog aktom veze, u postupku pravne analize Prijedloga Zakona, sa aspekta usklađivanja istog sa Evropskom konvencijom o zaštiti ljudskih prava i osnovnih sloboda utvrđeno je sljedeće:

MIŠLJENJE

Član V. 8. (1) Ustava Federacije Bosne i Hercegovine („ Službene novine Federacije BiH“, broj: 1/94, 13/97, 16/02, 22/02, 52/02, 60/02, 63/03, 9/04, 20/04, 33/04, 72/05, 71/05 i 88/08) propisuje da će u izvršnoj vlasti kantona konstitutivni narodi i pripadnici ostalih biti proporcionalno zastupljeni u Vladi.

Preambula Ustava Zeničko- dobojskog kantona („Službene novine Federacije BiH“, broj: 7/96 i „Službene novine Zeničko- dobojskog kantona“, broj: 1/96, 10/00, 8/04, 10/04 – ispr. i 10/04), u daljem tekstu: Ustav Kantona, propisuje: „Bošnjaci, Hrvati i Srbi, kao konstitutivni narodi, zajedno sa Ostalim i građani Zeničko- dobojskog kantona, odlučni su da osiguraju punu nacionalnu ravnopravnost, demokratske odnose i najviše standarde ljudskih prava i sloboda...“

Član 5. Ustava Kantona propisuje:„ Konstitutivni narodi i grupa Ostali bit će proporcionalno zastupljeni u javnim institucijama Kantona.

Član 46. Ustava Kantona :„Vladu kantona čine Premijer Kantona i ministri ministarstava čiji se broj utvrđuje zakonom“. Odredbama navedenog člana se ne definira način na koji će se odrediti broj ministara iz reda svakog konstitutivnog naroda, osim da Vlada Kantona odražava nacionalnu strukturu Kantona prema popisu stanovništva iz 1991. godine.

Članom 6. stav (1) Zakona o Vladi Zeničko- dobojskog kantona- Prečišćeni tekst („Službene novine Zeničko- dobojskog kantona“, broj:7/10) je propisan broj ministara ministarstava.

Napominjemo, da je zaštita prava i sloboda pripadnika nacionalnih manjina sastavni dio međunarodne zaštite ljudskih prava i sloboda.

Okvirna konvencija za zaštitu nacionalnih manjina Vijeća Evrope neposredno se primjenjuje i sastavni je dio pravnog sistema Federacije.

- Član 1. Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj: 56/08) propisuje: „Ovim Zakonom se, u skladu sa Zakonom o zaštiti prava pripadnika nacionalnih manjina Bosne i Hercegovine ("Službeni glasnik BiH", br. 12/03 i 76/05) i Evropskom okvirnom konvencijom za zaštitu nacionalnih manjina, utvrđuju prava i obaveze pripadnika nacionalnih manjina u Federaciji Bosne i Hercegovine (u daljnjem tekstu: Federacija), Savjetodavno vijeće pripadnika nacionalnih manjina Federacije, te obaveze organa vlasti da poštuju i štite, očuvaju i razvijaju etnički, kulturni, jezički i vjerski identitet svakog pripadnika nacionalne manjine u Federaciji koji je državljanin Federacije odnosno Bosne i Hercegovine“.
- Član 2. Zakona propisuje: „Zaštita prava i sloboda pripadnika nacionalnih manjina sastavni je dio međunarodne zaštite ljudskih prava i sloboda“.

Obzirom na to da se Prijedlogom Zakona vrši izmjena člana 6. Zakona o Vladi Zeničko-dobojskog kantona, brisanjem stava (4) navedenog člana se ne narušavaju ustavne odredbe kojima je propisano poštivanje ustavnog načela o proporcionalnoj zastupljenosti konstitutivnih naroda i Ostalih.

Međutim, pridržavajući se odredaba Ustava BiH, Ustava Federacije BiH, Ustava Zeničko-dobojskog kantona, proporcija se utvrđuje prema popisu stanovništava iz 1991. godine. Predložena rješenja osiguravaju odgovarajuće pozicije i za one koji se ne izjašnjavaju kao pripadnici konstitutivnih naroda.

Garancije nacionalnih prava pripadnika nacionalnih manjina i svih drugih koji se ne izjašnjavaju ka pripadnici konstitutivnih naroda, u skladu je sa najvišim međunarodnim standardima, posebno Evropskom okvirnom konvencijom o pravima nacionalnih manjina i definisana je kroz Poglavlje II- Ljudska prava i osnovne slobode Ustava ZDK.

Imajući u vidu sve navedeno, a uzimajući u obzir da je potreban drugačiji politički odgovor na datu problematiku i pitanje diskriminacije, Ministarstvo za pravosuđe i upravu Zeničko-dobojskog kantona, s aspekta svoje nadležnosti, nema primjedbi na dostavljeni Prijedlog Zakona.

S poštovanjem,

MINISTAR

Edin Hasaničević

Dostavljeno:

2 x naslovu,

1 x Stručna služba Skupštine

n/r Sekretara

1 x a/a



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba

